



ATB "TENGE BANK" MASOFAVIY BANK XIZMATI ORQALI "VALYUTAVIY" MUDDATLI OMONAT SHARTNOMASINI TUZISH UCHUN OMMAVIY OFERTA

Ushbu Ommaviy oferta (bundan keyin matnda Oferta deb yuritiladi) "Tenge Bank" ATBning (bundan keyin matnda Bank deb yuritiladi) O'zbekiston Respublikasi Fuqarolik kodeksining 369-moddasiga muvofiq, quyida ko'rsatilgan shartlarda "Tenge Bank" ATBning masofaviy bank xizmatlaridan foydalanuvchi jismoniy shaxs (bundan keyin matnda Omonatchi deb yuritiladi) bilan chet el valyutasida "VALYUTAVIY" muddatli omonat shartnomasini tuzish to'g'risidagi rasmiy taklifini ifodalaydi.

Ushbu Ofertada ko'rsatilgan harakatlarni amalga oshirish Omonatchining mazkur Ofertada bayon etilgan shartlar, tartib va hajmda Shartnoma tuzishga roziligini tasdiqlaydi.

Shartnoma bankka omonat summasi kelib tushgan paytdan (O'zbekiston Respublikasi Fuqarolik kodeksining 759-moddasi) va Omonatchi tomonidan ushbu Ofertada nazarda tutilgan harakatlar amalga oshirilganidan so'ng tuzilgan hisoblanadi hamda yuridik kuchga ega bo'ladi. Bu esa qo'shilish shartlari asosida ushbu Ofertaning barcha shartlarini so'zsiz qabul qilish (akseptlash) degan ma'noni anglatadi.

Ushbu Oferta shartlari tuzilgani va qabul qilingani, "VALYUTA" muddatli omonati (bundan keyin matnda - Omonat) bo'yicha Omonatchining hisobvarag'iga pul mablag'lari kiritilganining tasdig'i sifatida Omonat summasini omonat hisobvarag'iga o'tkazish operatsiyasi amalga oshirilgani haqida Masofaviy bank xizmati (MBX) tizimi ("Shaxsiy kabinet", Bankning mobil ilovasi va boshqalar) orqali MBX tizimida Omonat ochilgani to'g'risidagi tasdiqnoma va/yoki Bank tizimida ro'yxatdan o'tgan mobil telefon raqamiga SMS-xabar yuborish shaklidagi xabarnoma xizmat qiladi.

1. Shartnoma predmeti

1.1. Ushbu Ofertada nazarda tutilgan shartlar va tartibda Bank Omonatchidan "VALYUTA" muddatli omonati hisobvarag'iga naqd pulsiz shaklda pul summasini qabul qiladi hamda ushbu Ofertada belgilangan shartlar va muddatlarda Omonat summasiga foizlarni hisoblash va to'lash majburiyatini oladi.

2. Omonat shartlari

2.1. Omonatchiga quyidagi hisob raqami ochiladi: №20606 - "Jismoniy shaxslarning muddatli depozitlari".

2.2. **Omonat shartlari:**

- Omonat turi - muddatli
- foiz stavkasi - yillik 4%;
- Omonat muddati - 6 oy;
- minimal omonat miqdori - 100 AQSH dollari;
- maksimal omonat miqdori - cheklanmagan;
- qo'shimcha badal - ruxsat etilgan;
- qisman yechib olish (asosiy summa) - ruxsat etilmagan;
- kapitalizatsiya - nazarda tutilmagan;
- muddat uzaytirish - nazarda tutilmagan;
- Foizlarni to'lash - har oyda, omonat valyutasida, №20206 - "Omonatchiga talab qilib olinguncha depozit hisobvarag'i"ga avtomatik o'tkazish orqali.

2.3. Omonatchining ushbu Oferta shartlariga qo'shilishi Ofertani akseptlash (rozilik berish) va Omonatchining MBX tizimi orqali boshqariladigan mavjud hisobvaraqlaridan onlayn tarzda pul mablag'larini kiritish yoki muddatli Omonatni qayta rasmiylashtirish orqali amalga oshiriladi.

2.4. Omonat muddati tugagandan so'ng, Omonat summasi va hisoblangan foizlar avtomatik

ravishda Omonatchining "Jismoniy shaxslarning muddatli depozitlari - 20606" hisobvarag'idan №20206 - "Omonatchining talab qilib olinguncha saqlanadigan depozit hisobvarag'i"ga o'tkaziladi.

2.5. Omonatning barcha summasini muddatidan oldin qaytarish Bank bo'limlari orqali "Tenge Bank" ATBda ochilgan hisobvaraqaqqa amalga oshiriladi. Bunda, keyinchalik pul mablag'larini boshqa banklardagi hisobvaraqlarga yoki bank kartalariga o'tkazish Bankning amaldagi tariflari bo'yicha tariflanadi.

2.6. Agar muddatli omonatni (onlayn) qaytarish sanasi dam olish/bayram kuniga to'g'ri kelsa, omonatni qaytarish o'sha kuni amalga oshiriladi. Bunda foizlarni hisoblash omonatchiga qaytarilishidan oldingi kungacha bo'lgan davrni o'z ichiga oladi.

2.7. Omonatchining talabiga ko'ra Omonatning barcha summasi muddatidan oldin qaytarilgan (muddatidan oldin qaytarish), Omonatchining talabiga binoan harakatlar amalga oshirilgan va mablag'lar hisobdan chiqarilgan taqdirda, ushbu Oferta bekor qilingan hisoblanadi.

2.8. Omonat hisobvarag'i Omonat pul mablag'lari o'tkazilgandan so'ng, Omonatning saqlash muddati tugaganda yoki Omonat muddatidan oldin yopilganda avtomatik ravishda yopiladi.

3. Foizlarni hisoblash tartibi

3.1. Omonatlar bo'yicha foizlar 2004-yil 30-yanvardagi 1306-sonli "Tijorat banklarida foizlarni hisoblash to'g'risida"gi Nizomga muvofiq kunlik hisoblanadi. Bunda, bir yildagi kunlarning hisobiy soni 365 kun deb belgilanadi.

3.2. Omonat summasiga foizlar u Bankka kelib tushgan kunning ertasidan boshlab, to Omonatchiga qaytarilishi yoki boshqa asoslarga ko'ra Omonatchining hisobvarag'idan chiqarilishidan oldingi kungacha hisoblanadi. Bank Omonatchining hisobvarag'iga taqiq qo'yilganligi va/yoki Omonatchining hisobvarag'i bo'yicha amaliyotlar to'xtatilganligi sababli ushbu hisobvaraqaqda mavjud pul mablag'laridan foydalana olmagan davrda foizlar hisoblanmaydi.

3.3. O'zbekiston Respublikasi soliq qonunchiligining (30-, 366- va 382-moddalar) talablariga muvofiq, soliq rezidenti maqomiga ega bo'lmagan O'zbekiston Respublikasi norezidenti omonatchilarning omonat bo'yicha to'lanadigan foizlaridan (daromadlaridan) Bank tomonidan to'lov manbaida soliq ushlab qolinadi va keyinchalik byudjetga o'tkaziladi.

3.4. Asosiy summa qisman muddatidan oldin yechib olingan taqdirda, qisman yechib olingan kundan boshlab foizlar hisoblash Omonatning haqiqiy qoldig'iga, Omonat bo'yicha foiz stavkasini o'zgartirmasdan amalga oshiriladi.

3.5. Omonatlar bo'yicha amalga oshirilgan operatsiyalar Bankning ochiq operatsion kunida shu kunning o'zida Bank balansida aks ettiriladi. Bankning operatsion kuni yopilgandan keyin amalga oshirilgan operatsiyalar Bank balansida keyingi operatsion kunda yoki dam olish kunlarida aks ettiriladi, Bank balansida dam olish kunidan keyingi birinchi bank ish kunida aks ettiriladi. Bunda, Omonatning Bankka kelib tushgan sanasi yoki Omonatdan pul mablag'lari berilgan kun MBX tizimida operatsiya o'tkazilgan haqiqiy sana hisoblanadi.

3.6. Muddatidan oldin to'liq qaytarilganda, Omonatchiga Omonatning haqiqiy summasi va Omonat joylashtirilgan haqiqiy muddat uchun hisoblangan foizlar to'lanadi.

4. Tomonlarning huquq va majburiyatlari

4.1. Bank quyidagilarga majbur:

4.1.1. Bankning amaldagi va taklif etilayotgan omonatlari shartlarini, shuningdek, ushbu Ofertani o'zining rasmiy veb-saytida www.tengebank.uz va MBX tizimida joylashtirish;

4.1.2. Omonatchidan 2.2-bandga muvofiq Omonat summasini, shuningdek, qo'shimcha badallarni qabul qilish va tegishli hisobvaraqlarga o'tkazish;

4.1.3. ushbu Ofertaning 2.2., 3.1., 3.2., 3.3-bandlariga muvofiq foizlarni hisoblash va to'lash;

4.1.4. SMS xabarlar/ogohlantirishlar yuborish va rasmiy veb-saytda www.tengebank.uz joylashtirish orqali Omonatchilarga ushbu Ofertaga o'zgartirishlar kiritilishi haqida oldindan xabar berish ;

4.1.5. Omonat muddati tugagach, ushbu Ofertaning 2.4., 2.5., 3.3-bandlariga muvofiq Omonat summasini qo'shimcha badallar bilan birga faqat naqd pulsiz shaklda qaytarish;

4.1.6. hisobvaraqlardagi mablag'larning saqlanishi va daxlsizligini ta'minlash. Hisobvaraqlardagi mablag'larni xatlash yoki hisobvaraqlar bo'yicha operatsiyalarni to'xtatib qo'yish faqat O'zbekiston Respublikasining amaldagi qonunchiligida nazarda tutilgan hollardagina amalga oshirilishi mumkin;

4.1.7. O'zbekiston Respublikasi soliq qonunchiligiga muvofiq, to'lov manbaida soliq summasining to'g'ri hisoblanishini, ushlab qolinishini va O'zbekiston Respublikasi budjetiga o'tkazilishini ta'minlash; Norezidentga ochilgan omonat bo'yicha to'lanadigan foizlardan (daromadlardan) (soliq rezidenti maqomi mavjud bo'lmaganda);

4.1.8. Bank sirini tashkil etuvchi ma'lumotlarning himoyasini ta'minlash, omonatchi va omonat to'g'risidagi ma'lumotlarni uchinchi shaxslarga faqat amaldagi qonun hujjatlarida belgilangan hollarda va tartibda taqdim etish.

4.2. Bank quyidagi huquqlarga ega:

4.2.1. O'zbekiston Respublikasi qonunchiligi talablariga muvofiq tegishli davlat organlarining sud qarorlari kelib tushgan taqdirda, Omonatchining e'tirozlaridan qat'i nazar, O'zbekiston Respublikasi qonunchiligida belgilangan tartibda choralar ko'rish (pul mablag'larini xatlash, pul mablag'larini so'zsiz hisobdan chiqarish, hisobvaraqlar bo'yicha operatsiyalarni to'xtatib qo'yish va boshqalar);

4.2.2. Omonatchining hisobvaraqlaridagi pul mablag'lari bo'yicha bank operatsiyalari uchun ko'rsatilgan xizmatlar uchun Bankning belgilangan tariflariga muvofiq Omonatdan naqd pulsiz mablag'larni hisobdan chiqarganlik uchun vositachilik haqini undirish;

4.2.3. Bank jinoiy faoliyatdan olingan daromadlarni legallashtirish va ommaviy qirg'in qurollarini tarqatishni moliyalashtirishga qarshi kurashish maqsadida Omonatchidan uni identifikatsiya qilish imkonini beruvchi hamda hisobvaraqlar bo'yicha amalga oshirilayotgan operatsiyalarning qonuniyligini tasdiqlovchi ma'lumotlar va hujjatlarni talab qilish huquqiga ega;

4.2.4. O'zbekiston Respublikasining amaldagi qonunchiligi va jinoiy faoliyatdan olingan daromadlarni legallashtirish hamda terrorizmni moliyalashtirishga qarshi kurashish to'g'risidagi qonun hujjatlarida nazarda tutilgan hollarda hisobvaraqlar bo'yicha operatsiyalarni to'xtatib turish yoki ularni bajarishni rad etish;

terrorizmni moliyalashtirish;

4.2.5. xalqaro iqtisodiy sanksiyalar talablari buzilishiga shubha tug'ilganda, majburiyatlarni bajarishdan to'liq yoki qisman bir tomonlama voz kechish, shuningdek, hisobvaraqlar bo'yicha operatsiyalarni to'xtatib qo'yish;

4.2.6. Omonatchi tomonidan Bank tizimida ko'rsatilgan manzillar/telefon raqamlariga pochta jo'natmalari, elektron aloqa vositalari, SMS-xabarlar orqali yoki boshqa usulda xabarlar, bildirishnomalar, Bank yangiliklari, Bankning axborot, reklama materiallari va tijorat takliflarini, shuningdek, Omonatchining hisobvarag'idan amalga oshirilgan operatsiyalar bo'yicha ma'lumotlarni yuborish. Omonatchi yuborilgan xat-xabarlarining uchinchi shaxslarga oshkor bo'lishi bilan bog'liq barcha tavakkalchiliklarni o'z zimmasiga oladi;

4.2.7. Bank tomonidan Omonatga pul mablag'lari xato o'tkazilgan taqdirda, Mijoz Bankka Omonatdan xato o'tkazilgan pul mablag'lari va/yoki Omonat summasiga ortiqcha hisoblangan/to'langan foizlar miqdorida pul mablag'larini Mijozning qo'shimcha ko'rsatmalarisiz yechib olish huquqini beradi va roziligini bildiradi (oldindan berilgan aksept);

4.2.8. Amaldagi qonunchilikka muvofiq, ushbu Ofertaga Omonat shartlarini o'zgartirmaydigan kichik o'zgartirishlar kiritish.

4.3. Omonatchi quyidagilarga majbur:

4.3.1. Omonat shartlari va ushbu Oferta bilan tanishib chiqish;

4.3.2. ushbu Oferta shartlariga rioya etish;

4.3.3. O'zbekiston Respublikasining amaldagi qonunchiligiga qat'iy amal qilgan holda hisobvaraqlar bo'yicha operatsiyalarni amalga oshirish;

4.3.4. Bankning talabiga ko'ra ushbu shartnomaga muvofiq so'ralgan ma'lumotlar va hujjatlarni taqdim etish;

4.3.5. MBX tizimining avtorizatsiya qilingan foydalanuvchisi bo'lish va Omonatga dastlabki summani (badalni) kiritish uchun bank kartasi/ talab qilib olinguncha depozit hisobvarag'ida yetarli miqdorda belgilangan pul mablag'lariga ega bo'lish;

4.3.6. Hisobvaraqlarga xato o'tkazilgan va/yoki hisobvaraqlardan noto'g'ri yechib olingan mablag'lar aniqlangan taqdirda, bu haqda darhol Bankka xabar berish va tadbirkorlik faoliyati bilan

bog'liq operatsiyalarni amalga oshirish uchun hisobvaraqlardan foydalanmaslik;

4.3.7. Bank tariflarida nazarda tutilgan hisobvaraqlar harakati bo'yicha bank operatsiyalari uchun belgilangan vositachilik haqlarini to'lash;

4.3.8. Omonat mablag'larini to'g'ridan-to'g'ri tasarruf etish huquqini beruvchi ma'lumotlar (login, parol, PIN kodlar) maxfiyligini ta'minlash va ularni uchinchi shaxslarga bermaslik;

4.3.9. o'z login va paroli yordamida ruxsatsiz kirishning har qanday holati va/yoki xavfsizlikning har qanday buzilishi to'g'risida Bankka, Bankning Aloqa markazi/bo'limiga yoki Masofaviy bank xizmati tizimlarini qo'llab-quvvatlash xizmatiga darhol murojaat qilib xabar berish;

4.3.10. o'z manzili, familiyasi, ismi yoki otasining ismi o'zgarganligi, shaxsini tasdiqlovchi hujjat va telefon raqami, shu jumladan mobil telefon raqami almashtirilganligi haqida Bankka yozma ravishda ma'lum qilish;

4.3.11. jinoiy faoliyatdan olingan daromadlarni legallashtirish, terrorizmni moliyalashtirish va ommaviy qirg'in qurollarini tarqatishni moliyalashtirishga qarshi kurashish to'g'risidagi qonun hujjatlariga, shuningdek xalqaro iqtisodiy sanksiyalarga rioya etish.

4.4. Omonatchi quyidagi huquqlarga ega:

4.4.1. Pul mablag'lari Omonatga kiritilgandan so'ng, belgilangan tartibda Bank Tasdiqnomasini olish;

4.4.2. Omonat bo'yicha operatsiyalar to'g'risidagi ma'lumotlarni SMS-xabarlar va/yoki Masofaviy bank xizmati tizimlari (Bankning mobil ilovasi, shuningdek Bankning rasmiy veb-saytidagi shaxsiy kabinet) orqali olish - www.tengebank.uz;

4.4.3. belgilangan tartibda omonat hisobvarag'i bo'yicha ko'chirmalar olish;

4.4.4. O'zbekiston Respublikasi qonunchiligiga muvofiq Omonatni shaxsan tasarruf etish yoki Omonatni tasarruf etish huquqini uchinchi shaxslarga berish;

4.4.5. O'zbekiston Respublikasining amaldagi qonunchiligiga muvofiq Omonatchining boshqa huquqlaridan foydalanish.

4.4.6. Omonat summasi va to'langan foizlarni erkin tasarruf etish;

4.4.7. Ushbu ofertada belgilangan tartibda omonat muddati tugagandan so'ng, shuningdek muddatidan oldin omonat summasini talab qilish.

5. Tomonlarning javobgarligi

5.1. Tomonlar ushbu oferta bo'yicha o'z majburiyatlarini bajarmaganligi yoki lozim darajada bajarmaganligi uchun oferta shartlarini buzgan tomon O'zbekiston Respublikasining amaldagi qonunchiligida belgilangan tartibda javobgar bo'ladi.

5.2. Omonatchi quyidagilar uchun javobgar hisoblanadi va xavfni o'z zimmasiga oladi:

5.2.1. Masofaviy bank xizmati tizimi orqali omonat va uning operatsiyalari haqida olingan ma'lumotlarning saqlanishi;

5.2.2. Omonat mablag'larini MBX orqali tasarruf etish huquqini beruvchi ma'lumotlarning (login, parol, PIN kodlar) xavfsizligi va maxfiyligini ta'minlash;

Shuningdek, omonatchi ushbu ma'lumotlarning xavfsizligi va maxfiyligini ta'minlash bo'yicha talablarga rioya qilmaganligi natijasida yuzaga kelishi mumkin bo'lgan zararlar uchun javobgar bo'ladi;

5.2.3. Omonatchining qasddan qilgan harakati yoki ehtiyotsizligi natijasida boshqa shaxslarning bank tomonidan ushbu oferta asosida omonatchiga ko'rsatiladigan masofaviy xizmatdan noqonuniy foydalanishi va bunday noqonuniy foydalanish oqibatida yuzaga kelgan barcha holatlar uchun.

5.3. Bank quyidagilar uchun javobgar emas:

5.3.1. Omonatchining o'z manzili va/yoki telefon raqami (shu jumladan mobil telefon raqami), familiyasi, ismi yoki otasining ismi o'zgarganligi, shaxsini tasdiqlovchi hujjati almashtirilganligi to'g'risida o'z vaqtida xabar bermaganligi, buning natijasida masofaviy xizmat ko'rsatishning to'xtatilishi yoki bank sirini tashkil etuvchi ma'lumotlarning oshkor bo'lishi;

5.3.2. Omonatchining mobil telefoni begona shaxslar qo'lga tushib qolgan hollarda, boshqa shaxslar tomonidan MBX tizimi orqali ruxsatsiz amalga oshirilgan operatsiyalar;

5.3.3. Omonatchi tomonidan MBX tizimiga kirish uchun login va parolning boshqa shaxslarga oshkor etilishi;

5.3.4. Omonatchining MBX tizimidagi hisobiga ruxsatsiz kirilishi natijasida yetkazilgan

moliyaviy va boshqa turdagi zararlar;

5.3.5. Omonatchining ehtiyotsizligi, qasddan qilingan harakati yoki harakatsizligi oqibatida uchinchi shaxslar tomonidan amalga oshirilgan operatsiyalar, bular Omonatchiga moliyaviy zarar yetkazgan yoki yetkazishi mumkin bo'lgan holatlar;

5.3.6. Omonatchi tomonidan MBX tizimining login/parolini oshkor qilinganligi, foydalanilganligi to'g'risida yozma ariza taqdim etilgunga qadar Omonat bo'yicha ruqsatsiz amalga oshirilgan operatsiyalar, Omonatchining uyali telefon raqami, boshqa shaxslar tomonidan foydalanilganligi va MBX tizimiga ruqsatsiz kirishning barcha holatlari haqida;

5.4. Bank jinoiy faoliyatdan olingan daromadlarni legallashtirish, terrorizmni moliyalashtirish va ommaviy qirg'in qurolini tarqatishni moliyalashtirishga qarshi kurashish to'g'risidagi qonun hujjatlariga, shuningdek xalqaro iqtisodiy sanksiyalar talablariga muvofiq majburiyatlarni to'liq yoki qisman bajarishdan bosh tortgan, shu jumladan Omonatchining operatsiyalarini to'xtatib qo'ygan hollarda javobgarlikdan ozod etiladi.

5.5. Tomonlar ushbu Oferta bo'yicha majburiyatlarni to'liq yoki qisman bajarmaganlik uchun javobgarlikdan ozod etiladi, agar tegishli bajarish yengib bo'lmaydigan kuch holatlari, ya'ni ushbu sharoitlarda favqulodda va oldini olib bo'lmaydigan holatlar, tabiiy sharoitlar tufayli, O'zbekiston Respublikasi Hukumatining qarori asosida majburiyatlarni bajarish kechiktirilganligi (moratoriy) sababli, yoki tegishli munosabatlarni tartibga soluvchi qonun yoki boshqa hujjatning amal qilishi to'xtatilganligi tufayli mumkin bo'lmasa.

6. Boshqa shartlar

6.1. MBX tizimi orqali amalga oshiriladigan Omonat bo'yicha barcha operatsiyalar Omonatchi tomonidan so'zsiz qabul qilingan hisoblanadi.

6.2. Ushbu Oferta shartlarini qabul qilish bilan, Omonatchi Omonatning barcha shartlari va MBX orqali bank xizmatlarini ko'rsatish shartlari, Bank tariflari bilan tanishib chiqqanligini, ularga rozi ekanligini va ularni o'zi uchun majburiy deb tan olishini tasdiqlaydi.

6.3. Ushbu Ofertani bajarish bilan bog'liq nizolar tomonlar o'rtasida muzokaralar yo'li bilan hal etiladi. Nizolarni muzokaralar yo'li bilan hal qilish imkoni bo'lmagan taqdirda, ular O'zbekiston Respublikasining amaldagi qonun hujjatlariga muvofiq sud tartibida ko'rib chiqiladi.

6.4. Omonatchi Bankning operatsion kuni muddatlari haqida xabardor qilinadi. Agar operatsiya MBX orqali operatsion kun yopilgandan so'ng amalga oshirilsa, Omonat bo'yicha operatsiya keyingi bank ish kunida aks ettirilishi to'g'risida ogohlantiradi.

6.5. Omonatchi ushbu Oferta bilan Bankda, masofaviy bank xizmati tizimlari orqali va Bankning **www.tengebank.uz** veb-saytida tanishib chiqishi mumkin.

6.6. Bank tomonidan omonatga qabul qilingan pul mablag'larining qaytarilishi O'zbekiston Respublikasining 2025-yil 18-fevraldagi "Banklardagi omonatlarni himoyalash kafolatlari to'g'risida"gi O'RQ-1031-sonli Qonuniga muvofiq O'zbekiston Respublikasi Banklardagi omonatlarni kafolatlash agentligi tomonidan kafolatlanadi.

6.7. Kafolatli holat yuz bergan sanada kafolat obyektlarining egalari bo'lgan omonatchilarning tugatilayotgan bankka bo'lgan talab qilish huquqi, Agentlik tomonidan kompensatsiyalarning amalda to'langanidan qat'i nazar, kafolatlangan omonatlar summasiga teng miqdorda Agentlikka o'tadi. Agentlikning tugatilayotgan bankka bo'lgan talablari qonun hujjatlarida belgilangan navbatga muvofiq qondiriladi.

6.8. Ushbu Ofertada nazarda tutilmagan hollarda, tomonlar O'zbekiston Respublikasining amaldagi qonunchilik talablariga amal qiladilar.